

Барчани йиғлатган аzon



12:10 / 18.05.2019 2837

Пайғамбаримиз соллаллоҳу алайҳи васаллам Рафиқул Аълого интиқол қилғанларидан сўнг Билол розияллоҳу анҳу Мадинада турал олмай, Шом тарафларга бош олиб кетадилар.

Кунларнинг бирида тушларида Набий соллаллоҳу алайҳи васалламни кўрадилар. У зот алайҳиссалом ҳазрати Билолга «Бу қандай жафо бўлди, эй Билол?!» дедилар. Уйқусидан йиғлаб уйғонган Билол Мадинаға, Набий соллаллоҳу алайҳи васалламнининг равзаларини зиёрат қилгани келадилар.

Шунда Абу Бакр Сиддик розияллоҳу анҳу Билол розияллоҳу анҳудан азон чақиришни илтимос қиладилар. Ҳазрати Билол у кишига узр айтиб, «Пайғамбаримиз соллаллоҳу алайҳи васаллам борликларида азон чақириб бўлиб, севикли Ҳабибимнинг уйлари олдига келиб, «Намоз вақти бўлди, эй Аллоҳнинг Расули!» дердим. Энди азон чақириб бўлиб, бу сўзни қандай айтаман?!» дедилар.

Шу пайт имом Ҳасан ва имом Ҳусайн розияллоҳу анҳумо келиб қолишди. Ҳазрати Билол розияллоҳу анҳу уларни кўриб, хурсанд бўлдилар ва икковларини бағриларига босиб, йиғладилар. Чунки улардан севикли боболарининг ҳидлари келар эди. Улар Билол розияллоҳу анҳудан азон чақириб беришни илтимос қилишди. Ҳазрати Билол жаннат йигитлари саййидларининг бу илтимосларига йўқ дея олмадилар ва Расулуллоҳ

соллаллоҳу алайҳи васалламнинг даврларида азон чақирадиган жойларига чиқиб, азон чақира бошладилар.

Аллоҳу акбар, Аллоҳу акбар.

Мадина шовқинга тўлиб кетди.

Аллоҳу акбар, Аллоҳу акбар.

Одамлар уйларидан туриб қичқирдилар, мана бундай деб дод солдилар:

«Расууллоҳ соллаллоҳу алайҳи васаллам қайта тирилдиларми?»

Чунки бу аzon, бу овоз Пайғамбаримиз соллаллоҳу алайҳи васалламнинг даврларидағина эшитилар эди.

Ашҳаду аллаа илаاҳа иллаллоҳ

Ашҳаду аллаа илааҳа иллаллоҳ

Одамлар уйларидан масжид тарафга қараб югуриб кела бошладилар. Йўлда келар эканлар, бир-бирларидан «Расууллоҳ соллаллоҳу алайҳи васаллам қайта тирилдиларми?» деб сўрардилар.

Ашҳаду анна Мұхаммадар Росууллоҳ

...

Шу ерга келганда буюк муаззиннинг томоғига нимадир тиқилдию аzonни давом эттиrolмадилар. Турган жойларидан пастга тушдилар.

Ровийларнинг айтишича, Мадина шаҳри ўша кундагидек бирор марта йиғи ва фарёд садоларига тўлмаган экан.

Бу йиғи соғинч ва муҳаббат кўз ёшлари эди. Севикли Пайғамбар алайҳиссаломга бўлган муҳаббат...

Али Жифрий ҳафизаҳуллоҳ,